



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : T.W.G.Hs. LO KON TING MEMORIAL COLLEGE

学校名称 : 东华三院卢干庭纪念中学

Name of Play 剧名 : 我们的那些年

Script writer 剧作者 : 陈仕文 (校外导师)

Synopsis 故事大纲 :

陈杰回首中一时暗恋的故事，从相識相知至错过和可惜。透过那些年的片段重整，杰重新认识自己，对自己有新的看法。而这暗恋的小故事，令杰再一次成长和向前再出发。相信每一个人都有他那些年的回忆，也成为他们不可磨灭的印记……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序

(音乐响起。一班学生匆匆走过，有的追逐，有的聊天……一种学生时代轻松悠然的气氛。一会，陈杰慢慢步进，好像有点失落的样子。)

张怡： (场外) 陈杰! (进场)

陈杰： (转身，温柔地) 点呀?

张怡： 我地…重系朋友呀呵?

陈杰： 系…点会唔系呀。

张怡： ……多谢你。

陈杰： 快啲【读啲】行啦，唔系要睇【读睇】五点场咩?

张怡： 系啲，同亲你一齐都不记得时间嘅。

陈杰： ……人地等紧你咖。

张怡： 嗯，拜拜。

(张怡转身离去。陈杰望着她远去，然后伤感地朝观众方向远望，慢慢垂低了头，行到台中的位置。)

群众： (对观众) 失恋!

陈杰： 系表白失败! (众离去，对观众) 恋都未恋过，叫乜野失恋喇你话? 系呀，你地无听错：未恋过。哩个系我初恋……唔系，未恋，系第一次表白，就失败，原因系：迟徂。

(王子树进场，到台左方面向观众，没有望着陈杰，但他们是对话的。)

王子： (向观众) 算吧啦，摆明佢系留条后路畀自己。

陈杰： (对观众) 王子树，我死党之一。因为我嘅关系，大家都叫会佢王子。当然，佢梗系无《智胜鲜师》个王子恁【读咁】靚仔啦。

(杜小敏进场，到台右方面向观众，没有望着陈杰，但他们是对话的。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

小敏：（向观众）唔驶伤心啲，好女仔大把啦！

陈杰：（对观众）杜小敏，我死党之二。佢同我同王子虽然唔系成日喺学校度痴住玩，但系我地最深交，感情最好，我地之间可以话系无秘密。

（李凯欣与马芷君进场，到台上方面向观众，没有望着陈杰，但他们是对话的。张怡和刘少邦也分别于两边进场，在舞台下方，于陈杰的一左一右停下对望，甜丝丝的。）

芷君：听讲张怡同刘少一齐徂【读左】呀！

凯欣：我知啦，重要好似系刘少主动同佢表白添咖。

陈杰：（对观众）马芷君，李凯欣。我地级出徂名嘅八挂精，男仔堆都会简称叫佢地八婆。当然，唔会兜口兜面恁叫佢地啦。（回望张怡）

（张怡甜蜜的笑着低头。）

陈杰：（对观众）张怡，我表白嘅对象……刘少邦，高我地两级读中五嘅师兄，因为屋企有少钱，大家就帮佢改徂个花名叫「刘少」，亦即系向我嘅表白对象表白成功嘅，情敌……

（刘少邦向张怡伸出手，张怡含情默默地走过去拖着他的手，二人慢步离去。其他人也开始逐渐离去。而杜小敏和王子树则走到陈杰身旁。）

王子：（拍拍陈杰的肩膀）女死女还在。我阿哥成日都恁讲咖。

小敏：或者你掙【读搵】其他野分散下自己嘅注意力啦，反正升中四之后都唔同班啰……唔好谗恁多喇。

（杜小敏和王子树也慢慢离去。）

陈杰：（对观众）哩个先系最大嘅打击，中三嘅最后一日，终于鼓起勇气去表白……最想入嘅班入唔倒，好想同佢一齐嘅人又睇住佢同第二个人一齐……唔知恁系咪叫双失呢？

王&敏：都叫你唔好谗恁多啰!!!

陈杰：……话唔恁就唔谗咩!!!

群众：掙少野做啰！唉！（所有人开始四散）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

陈杰： 拮叻野做……好！（所有人停下，回望陈杰）既然我成个脑都只系挂住佢，我就写一个关于我地嘅故事，将我地过去哩几年嘅初中生活记低……之后再送畀佢，就算佢唔系同我一齐，都希望佢会记得我地嘅一切一切。

众女一： （普通话）超浪漫喔～

王子： 你可唔可以收声呢？人地感性紧咖嘛。

群众： 咪就系！

众女一： Sorry 嘍。

陈杰： 唔该澌【读晒】王子。（王子报以一个心照的动作）

小敏： 恁个故仔叫咩名呀？

陈杰： ……《我们的那些年》。

（胡夏《那些年》音乐响起。众人同时在舞台上穿插，一幅校园人来人往的画面。）